

# Rebat cukai pendapatan naik kepada RM35,000

BH 28 OCT 2001

MESKIPUN Belanjawan 2001 tidak mengumumkan penurunan cukai korporat dan individu seperti yang diharapkan banyak pihak, kerajaan bagaimanapun mengambil pendekatan rasional dengan menaikkan jumlah rebat cukai kepada mereka yang berpendapatan RM35,000 daripada RM10,000 sebelumnya.

Syarikat perunding per-cukaian, Delloite Kassim-Chan Tax Services Sdn Bhd (Delloite KassimChan), berkata dengan menaikkan rebat cukai itu kerajaan memfokus untuk mengurangkan cukai kepada golongan berpendapatan rendah dan sederhana bukannya penurunan secara menyeluruh.

"Selain itu, dengan memberikan insentif kepada syarikat pengeluaran makanan, kerajaan memberikan fokus yang tepat kepada kehendak ekonomi terutamanya keperluan mengurangkan import produk makanan.

"Dengan ini, pengurangan cukai diberikan kepada sektor ekonomi yang penting," kata Pengarah Eksekutif Delloite KassimChan, Ronnie Lim, dalam satu kenyataan mengulas Belanjawan 2001, semalam.

Insentif dalam sektor itu berupa pengecualian cukai ke atas pelaburan syarikat induk kepada anak syarikat iaitu pengecualian cukai pendapatan selama 10 tahun dan taraf perintis bagi lima tahun untuk kemudahan dingin beku.

Dalam Belanjawan 2001, Menteri Kewangan Tun Daim Zainuddin turut mengumumkan rebat cukai semasa kepada individu akan dinaikkan daripada RM110 hingga RM350 sementara rebat bagi isteri dinaikkan daripada RM60 kepada RM350.

Rebat bagi jumlah pendapatan boleh cukai dinaikkan daripada RM10,000 kepada RM35,000 akan memberi faedah kepada 1.23 juta pembayar cukai. Langkah itu akan mengurangkan pendapatan kerajaan

## Kerajaan tidak bergantung kepada

DARI MUKA 1

BH 28 OCT 2001

dan menambah pendapatan serta perbelanjaan untuk bermacam-macam kegiatan. Ini dapat kita buat kerana kerajaan berusaha untuk meningkatkan ekonomi negara.

"Kita bukan bergantung kepada peningkatan cukai untuk menambah tabung kerajaan. Sebaliknya, kita mengurangkan cukai tetapi memajukan negara supaya syarikat-syarikat mendapat keuntungan

yang lebih besar," katanya.

Beliau berkata, walaupun cukai yang dikenakan itu rendah, pendapatan kerajaan meningkat dan dengan itu, mampu menambah perbelanjaan kali ini sebanyak 16 peratus.

Malah, katanya, satu perkara yang terus diberi perhatian ialah lebih sejuta orang yang sebelum ini membayar cukai, tidak akan membayar cukai

pendapatan mereka.

Beliau berkata, ini berikutan langkah menaikkan elaun supaya hanya yang mendapat pendapatan tinggi perlu membayar cukai dan langkah itu secara langsung memberi faedah kepada mereka yang mendapat pendapatan daripada gaji, elaun dan juga yang mempunyai perniagaan.

Mengenai teras Belanjawan itu yang turut mem-

beri tumpuan bagi memperluaskan akses rakyat kepada teknologi maklumat dan komunikasi (ICT), beliau berkata kerajaan akan membelanjakan lebih banyak wang bagi menangani perbezaan digital di antara penduduk bandar dan luar bandar.

"Kita juga akan membelanjakan banyak wang terhadap sekolah bestari yang kosnya amat mahal kerana keperluan perala-

## cukai menambah tabungan

tan, perisian dan latihan guru. Satu pertiga daripada kakitangan awam terbabit dalam pendidikan.

"Oleh itu, Belanjawan untuk pendidikan adalah terbesar di kalangan Kementerian supaya kita boleh memberi tumpuan kepada pendidikan, terutama teknologi maklumat (IT)," katanya.

Ditanya mengapa cukai korporat tidak diturunkan seperti jangkakan ramai

pelabur, Dr Mahathir menjelaskan apa yang kerajaan lakukan kali ini ialah mengurangkan cukai pendapatan individu.

"Kita tak boleh nak kurang semua sekali...lama-kelamaan kerajaan tak ada duit. Tak ada duit tak boleh, kita kena ada tambahan sekolah. Tahun depan lebih 100 sekolah akan diadakan.

"Jumlah guru akan ditambah sebanyak lebih

11,000, semuanya diperluaskan. Bantuan kepada banyak golongan akan bertambah, termasuk untuk wanita melalui Jabatan Perdana Menteri," katanya.

Mengenai pertumbuhan ekonomi negara, beliau berkata ia agak memberangsangkan iaitu melebihi tujuh peratus tahun ini (7.5 peratus), melebihi sasaran awal 5.8 peratus.